

欽定方輿路程考畧

河南省



第二十六冊

欽定方輿路程考畧

陝州

在府西三百里東西距一百五十里南北距一百里東至澠池縣界一百十里

西至靈寶縣界四十里南至靈寶縣界一百四十里少西至盧氏縣二百四十里北至黃河山

西平陽府平陸縣界一里至縣治五里東南至永寧縣界九十六里至縣治一百六十里西南至靈

寶縣界四十里至縣治六十里東北至平陸縣界四十里西北至平陸縣治五里周初為周公召公

分治之所春秋虢國地後屬晉戰國初屬魏又屬韓後入秦漢置陝縣屬弘農郡後漢晉曰之後魏

初為恒農郡治太和十一年置陝州十八年罷永熙中重置西魏大統三年罷北周明帝二年復置

兼置嶓郡隋開皇初郡並廢大業初州廢屬河南郡義寧元年復置弘農郡唐武德元年復曰陝州



置總管府貞觀元年府罷天寶元年改曰陝郡乾
元元年復曰陝州廣德元年仍為大都督府屬河
南道中和二年置陝虢節度使龍紀元年賜號保
義軍節度天祐初升為興德府昭宣帝初省復為
大都督府五代梁開平二年改曰鎮國軍後唐復
為保義軍宋仍曰陝州陝郡太平興國初改保平
軍節度屬永興路金亦曰陝州屬南京路元改屬
河南府明洪武初以州治陝縣省八今日之唐楊
炯和酬虢州李司法詩句唇齒標形勝關河壯色
居寒山抵方伯秋水面鴻臚岑參早秋與諸子登
虢州西亭觀眺詩亭高出鳥外客到與雲齊樹點
千家小天園萬嶺低殘虹挂陝北急雨過關西酒
榼緣青壁瓜田傍綠谿微官何足道愛客且相携
唯有鄉園處依依望不迷又虢州西亭詩句紅亭
出鳥外駿馬繫雲端萬
嶺隄前睥千家肘底看

山川砥柱山

在縣東北四十里黃河中西北去山西平
陸縣五十里禹貢導河自華陰東至于砥

柱孔安國傳底柱山名河水分流色山而過山見

水中若柱然在西虢之界水經注昔禹治洪水山

陵當水者鑿之故破山以通河三川穿既決水流

疏分指狀表目亦謂之三門陝志三門中神門南

鬼門北人門唯人門修廣可行舟鬼門尤險舟筏

入者鮮有得脫三門之廣約三十丈其東一百五

十少有峯特立斯為砥柱漢書溝洫志武帝時河

東守番係言漕從山東西歲百餘萬石更砥柱之

艱敗亡甚多而煩費鴻嘉四年楊烏言河從上下

患砥柱隘可鑄廣之上從其言使烏鑄之裁沒水

中不能去而令水益湍怒為害甚于故隋書開皇

三年遣倉部侍郎韋瓚向蒲陝以東募人能于洛

陽運米四十石經砥柱之險達于常平者免其征

戊十五年詔鑿砥柱大業七年砥柱崩偃河逆流

數十里唐書貞觀二十年幸河北觀砥柱令魏徵
勒銘又食貨志高宗時江淮漕自東都率陸運至
陝以避三門砥柱之險顯慶元年苑西監褚朗議
鑿三門山為梁通陸運功不成後將作大匠楊務
廉又鑿為棧以挽漕舟人以為苦開元二十一年
轉運使裴耀卿請罷陝陸運而置倉河口使江南
漕州至河口者輸粟于倉而去縣官催舟以分八
河洛置倉三門東西以避三門之水險乃于河陰
置河陰倉河西置柏崖倉三門東置集津倉西置
鹽倉鑿山十八里以陸運自江淮漕者皆輸河陰
倉自河陰西至太原倉謂之北運自太倉浮渭以
實關中二十九年陝州刺史李齊物請鑿砥柱為
門以通漕開山巔為輓路燒石沃醢而鑿之然棄
石入河激水益湍怒舟不能入新門候水漲以人
輓舟而上貞元二年陝觀察使李泌益鑿集津
倉山西逕為運道屬于三門倉又為入渭船方五

板輸東渭橋太倉遂罷南路陸運宋史乾德元年
詔重鑿砥柱三門慶曆中陝西用兵歐陽修請按
耀卿舊迹以通漕運唐魏徵砥柱山銘仰臨砥柱
北望龍門茫茫禹跡浩浩長春宋董道廣川書跋
唐砥柱銘貞觀十二年特進魏徵撰祕書正字薛
純書其字曰山鏡鑿就其窪平隨多少置字故不
成行序宛轉摹于欽敬間故石雖存而頗難得世
知貴之唐以書學相高刻石之文此其最大者也
筆力有餘點畫不失尚多隸體氣象奇偉猶有古
人體法其後柳公權書刻招提今已譌缺不可讀
惟純所書在濁河間得完蓋摹擊之工不至雖濤
浪射發風雨推剝尚不廢也明都穆記砥柱在陝
州東五十里黃河中以其形似柱故名禹貢謂導
河東至于砥柱即此四十里循河行十里至三門
集津三門者中曰神門南曰鬼門北曰人門其始
特一巨石而平如砥想昔河水汎濫禹鑿之為三

令水行其間聲激如雷而鬼門尤為險惡舟筏一
入鮮得脫者三門之廣約二十丈其東百五十步
即砥柱崇約三丈周數丈相傳上有唐太宗碑銘
今不存蔡氏書傳以三門為砥柱州志亦謂砥柱
即三門山皆未嘗親履其地故謬誤若此唐肅
柱賦按砥柱在冀州大河中流禹導河自積石至
于龍門南至于華陰又東至于砥柱然後至孟津
週雒汭而復北折焉蓋河自龍門既決已未奔騰
迅快勢不可遏至是而齟齬之乃分為四流貫于
三門之下然後力教而行緩故鄴氏水經謂砥柱
與龍門皆禹所疏鑿也昔蘇子瞻賦灩澦堆以為
蜀江會百水而至于夔瀾漫漶瀚橫放大野而峽
之小大曾不當其什一苟無是堆則瞿唐之險當
不啻此予謂砥柱之功亦有類于灩澦者故述而
賦之賦曰黃河之流西來數千里于貫長城而南
馳激龍門之險阨于霆奔電馳氣洶湧而莫支歷

華陰而經趨于乃折流而東下勢若萬騎銜枚而
疾走于將悉鋒盡銳鏖戰于平野何砥柱之崔巍
萃律于獨疑立乎中流儼一夫之當關于強兵悍
卒睥睨退縮不敢運其戈矛惟崇伯子之敷土于
導洛洞而平之鑿茲山以疏洩于剖三門之欽戲
然後洪波巨浪齟齬而不騁于分流析派間度以
逶迤拍孟津而逾雒汭于遂東極于大邳苟非是
以中梗于曷以教天吳水伯之淫威于嘗駕方舟
而遠求古蹟于誓將豁心胸于浩蕩過黃老之神
祠兮逝蝦石之洪養睇連天之俯楹于干雲霄而
直上濁波汨汨色其下兮顯神功于俯仰使昔懷
襄之莫救于滙四海為一區上巢下穴之赤子于
殆皆戢以為魚覽斯險而既嘆于雖天造而地設
微玄聖之大智于孰能成大萬世之烈彼蜀江之
灩澦于羗地勢之所同誦金聲于儋叟于信物理
安危之所從噫吁戲世道降于風移而俗偷類波

汗漫兮忘剛而如柔魚蝦鼓舞兮蛟龍鬱愁豈無
吾人之砥柱兮障百川之橫流唐柳公權砥柱詩
禹鑿鋒鉞後魏我直至今孤峯浮水面一柱釘波
心頂歷三門險根隨九曲深柱天形突兀逐浪勢
浮沉岸嚮秋濤射祠班夜漲侵噴香龍上下刷羽
鳥登臨祇有尖迎日曾無柱影陰舊碑文字在遺
事可追尋金周昂砥柱圖詩鬼門幽險深百萬人
門逼窄逾兩牢舟人叫渡口流血性命咫尺輕鴻
毛開圖頓覺風雷怒素髮飄蕭激衰腐
河來天上石不移安得此心如砥柱

梨山

州志在州東四十五里
山腰有廟禱雨輒應

三嘴山

州志在州東五十里宋李彥仙堅守三
嘴山即此明一統志山有三峯故名

擎雲山

州志在州東七十里二峯
高聳每陰雨則雲出其上

索山

州志在州東九十里
水經注索水出索山

響瓶山

州志在州東百里人入山
中空谷相應若響瓶然

明山

州志在州東南百里有石巖陡
峻傍有瀦水名龍潭禱雨輒應

鞍子山

州志在州東一百里其山兩峯
相對而中凹形如馬鞍故名

瑞雲山

州志在州東一百四十里
其色蒼翠如瑞雲故名

鷄足山

明一統志在州西南二里上
有虎巖洞臨河宛如鷄足

號山

州志在城西二里黃河之濱古以名國史
魏文侯二十六年號山崩壅河逆流

羊角山

州志在州城內西北隅高百尺上有
披雲亭後毀今更建三皇廟文昌祠

分水嶺(州志)在州東六十里山泉流溢分

石隰原(州志)在州東四十里有

葦原(州志)在州東南五十里去硤石舊縣十五里(杜預注)有神聲以接

人葦毓地(左傳)莊公三十三年有神降于葦(杜預注)有

陝原(括地志)在州西南二十五里周召分陝不目

其城以原為界也(後漢志)陝縣有陝陌(博物記)二伯所分(唐駱賓王至分陝詩)陝西開勝壤召

南分沃疇列樹巢維鵠平渚下睢鳩懇崇疑勿剪

化美非獨在隆周(趙原社)

黃河(水經注)河水自合舊水又東合七里澗又

東合醮水又東過陝縣北合橐水又東過大陽縣

南又東過砥柱間右則嶠水注之又東千嶠之水

有餘里礁石錯出必不可開者是也

七里澗(州志)在城西七里今名石橋溝北流入

譙水(明一統志)在州城南三里湧出八河俗呼三

橐水(一統志)橐水(州志)在城南門外西流入河(明

安陽溪(水經注)安陽溪(水經注)安陽溪(水經注)安陽溪(水經注)

馬家河

源出梨山北流入河

南泉

州志在州南門外東西二眼清澈甘

濛泉

州志在州城西南隅雉堞外其

蝦蟆泉

州志在州城西門外水自石眼流出內有

容石眼環環水一鍾聞說旱

利人渠

有二元和志北利人渠隋開皇六年蘇威

東南自硤石界流入與北渠同時疏導唐

廣濟渠

貞觀十一年使丘行恭開南渠今皆廢

唐武德元年陝東道行臺長孫操所開引水入城

以代井汲金大定間耶律翼民重濬明時先後修

瑞蓮池

州志在州治東召公祠前金大定戊戌夏

名今

温湯池

州志在州西南五原社

關梁大陽關

在州北黃河津濟之處以北對大陽縣而

故關在縣西北四里周大象元年立水經注河水

之大陽者也津亦取名焉左傳文公三

年秦伯伐晉自茅津濟封穀尸而還

鴈翎關

明一統志在州東南路通

硖石關

明一統志在州東舊硖石縣即古峭陵

徽伯壘

府志在州南二里古焦城北齊高歡使

張茅鎮

在州東五十里舊設通運所今廢

上村鎮

在州東十里古陵山鄉也

磁鍾鎮

在州東二十五里

乾壕鎮

在州東九十里

宮前鎮

在州東南百里

李村鎮

在州東南一百三十里

甘棠馬驛

在州治南

橫渠鋪

在州東又東為磁鍾鋪衛村鋪張茅鋪分水嶺鋪硖石鋪店嶺鋪乾壕鋪七里鋪達

澠池縣界

七里鋪

在州西又西為新店鋪三十里達靈寶縣界

大陽橋

元和志在縣東北三里長七十六丈廣二丈架黃河為之唐貞觀十一年太宗東巡

遣丘行恭

營造尋廢

索水橋

在南門外

張茅橋

在州東張茅鎮東

硤石橋

在州東七里社

譙水橋

在州西南西樊社

古蹟廢陝縣

今州治周公召公於此分治漢置陝縣屬弘農郡後漢迄晉亦為陝縣後魏主燾始

光三年遣將周畿等襲夏陝城自是遂為弘農郡治太和中始為陝州治後又改縣曰北陝隋仍為陝縣大業初改屬河南郡義寧初置弘農郡治此唐初仍為陝州治中葉後尤為重地後俱相沿明初省(公羊傳曰)自陝以東周公公主之自陝以西召公主之(唐太宗春日登陝州城樓詩)碧原開霧隰綺嶺峻霞城烟峰高下翠日浪淺深明斑紅粧蕊樹圓青壓溜荆迹巖勞傅想窺野訪莘情巨川何

以濟舟楫行時英(又明皇途次陝州詩)境出三秦

外途分二陝中山川入虞虢風俗限西東樹古棠

陰在耕餘讓畔空鳴笳從此去行見洛陽宮(許敬

宗陝州城樓應制詩)挹河激綠宇御溝映朱宮辰

旂翻麗景星蓋曳雕虹學頻齊柳嫩妍笑發春蕞

錦鱗文碧浪繡羽絢青空眷念三階靜遙想二南

風(張九齡途次陝州應制詩)馳道當河陝陳詩問

國風川原三晉別襟帶兩京同後殿函關盡前旌

關塞通行看洛陽陌光景麗天中(張說途次陝州

應制詩)周召嘗分陝詩書空復傳何如萬乘睽追

賞二南篇郡帶洪河側宮臨大道邊洛城將日近

佳氣滿山川(駱賓王至分陝詩)陝西開勝壤召南

分沃疇列樹巢維鵲平渚下睢鳩懋崇疑勿剪曳

葛似攀樛至今王化美非獨在隆周(薛稷秋日還

京陝西十里作)驅車越陝郊北顧臨大河隔河望

鄉邑秋風水增波西登咸陽途日暮憂思多傳岩

既紆鬱首山亦嗟峨操築無昔老采
薇有遺歌客遊節回換人生知幾何

硤石城 在州東南七十里七里社本後魏嶓縣之
嶓縣治硤石塢唐貞觀十四年自今永寧縣界移

縣置倉于此(唐陸龜蒙零陵總記)李約天性嗜茶
能自煎謂人曰茶須緩火炙活火煎謂炭火之焰

者也客至不限甌數竟日執持茶器不倦曾奉使
行至陝州硤石縣東愛渠水清流旬日忘發(劉長

卿硤石遇雨詩句(縣城蒼翠裏客路兩崖開硤石
雲漠漠東風吹雨來(韓愈次硤石詩)數日方離雪

今朝又出山試憑高處望隱約見潼關(權德輿發
硤石路上却寄內詩(莎柵東行五谷深千峯萬

硤雨沈沈細君幾日路經此應見悲翁相望心
陝中廢縣 在州東南後魏置陝中縣屬弘農郡(寰

蓋周廢也

焦城 在州治(漢志)陝縣有焦城故焦國(水經注)陝
縣大城中有小城故焦國也(括地志)焦城在

陝城內東北百步曰焦水為名(史記)武王封神農
之後于焦(左傳)晉許秦焦瑕又秦與晉焦瑕是也

上陽城 在州東南(水經注)陝縣東城即魏邑之上
陽也(左傳)僖五年晉圍上陽遂滅魏(杜預

(注)上陽魏國都
在陝縣東南

曲沃城 (括地志)曲沃城在陝縣西南三十二里(水
經注)舊水經曲沃城南(史記)梁襄王五年

秦圖我焦曲沃(州志)今曲沃鎮在州西南
四十里(晉潘岳西征賦)升曲沃而惆悵

長城 在州東(元和志)魏長城在硤石縣北二十二
里魏惠五十九年所築東南起嶓山西北至

河三十

七里

安陽城

在州東南(寰宇記)安陽城在硤石縣西四十里唐貞觀八年嘗移硤石縣治此十四

年移治向南也(水經注)安陽溪水西逕安陽

城南(晉潘岳西征賦)吾祖安陽言陟陝鄂

弘農宮

在州城內隋大業初置唐初曰陝城宮

繡嶺宮

在州城西唐顯慶三年置(寰宇記)在硤石縣東三里(唐李洞詩)春草萋萋春水綠野

崇開盡飄香玉繡嶺宮前

鶴髮翁猶唱開元太平曲

望仙臺

(明一統志)在州西南十二里漢文帝親謁河上公公既上升築臺以望祭之

神雀臺

(明一統志)在州東七十里唐天寶初以赤雀翔此置(新唐志)硤石縣有神雀臺(寰宇

(記)臺在硤縣東北四十

五里高五十尺周半里

太原倉

在州西南隋開皇二年所置常平倉也唐貞觀二十一年復置為開元二十二年裴

耀卿建轉輸之法江淮舟運悉輸河陰倉更用河

舟運至含嘉倉及太原倉自太原倉入渭輸關中

是也(元和志)太原倉在縣西南四里以其北

臨焦水西俯大河地勢高平故謂之太原倉

鐵牛

在州城北黃河中頭南尾北世傳禹鑄以鎮河患(唐陸長源辨疑志略)陝州城南有鐵牛

出土數尺北臨大河俗傳無此牛即城不復立河

東楊諫立碑以頌之上元中衛伯玉為陝州刺史

發卒掘土以觀鐵牛之勢纜深二丈許其鐵即絕

更無根系遂却於舊處以土揜之(賈至陝州鐵牛

頌略)乾象元地勢坤元善利物純陰陽而不仁坤

順為牛或剛克以殊用彼見於陝鄂者其陰陽歟

其剛克歟內習坎窞外形端倪居於道周敦兮若
樸謂為首匪如山之狀謂用角匪如粟之象曾覽
古史固徵其由深不可識孰知其故吾將本自然
歸神功豈謀人力役鬼傭或東臨周畿西畫魏畧
載厚地而莫聳拒長河而不崩乃詢耆耄聽輿誦
僉曰此之鎮其日固久人由是怙恃物由是生資
賞欲尋下體之極達純陰之精五丁力拔而不及
方舟鎖曳而奚可頌曰杳冥精于混茫氣疑為伏
牛載厚地巨靈西掌屹巖負長河東流浮沸涓堅
立不動神之至層城固護人天庇德合無疆其可
既昔人無
迷予是志

鐵人

凡二在州治譙樓下相對拱立蓋亦古時鎮
水患所鑄元葉平山鐵人銘并序四明山人
奉命知陝州入郿城見二鐵人東西拱立問諸耆
老曰世代沿革固知所自相傳以為蒲之鐵牛乘

水漲溢斷其繫順流東奔斯二人者逐牛至此遇
人求牛之所之人有曰雖鐵人亦追無所及矣遂
化鐵人而止焉今牛沉于城北黃河中流是其驗
也余聞之喟然嘆曰物理豈有是哉夫鐵金屬土
其毋水其于也河為寰內巨流其奔決潰溢神不
可測粵自大禹疏鑿然後人得平土而居之後之
賢者慮水復溢而為民患也乃斂其毋鑄成形體
若人焉若牛焉牛利涉故鎮于河人為物靈故鎮
于岍水得金而不橫土得金而益壯水大或互質
焉使子毋相顧無奔決潰溢之患以定千萬古之
州治者厥有自哉噫州治之名毋乃亦得于是乎
嘗攷諸字說陝字从阜从人而兩人舉袂對拱為
人形象人繇道中而行則二人字在左右其夫字
之義明州之名陝良在斯歟耆老再拜舉手曰千
載之惑一朝遂釋請公作銘用勒之石四明山人
遂為銘曰陝州故郡背河而城甘棠弘農先哲所

營二鐵人立對拱街楹訖言未化詎物之情我思
先哲謀謨匪輕橫流洶洶薄岸砮洶惟厥攸自庚
金所生毋誠在斯子敢縱橫乃鳩冶氏爍礦銷兵
振揚爐鞴假威丙丁一鼓作氣百煉愈精溶液無
滓模範天成惟牛利涉砥柱鏗鏗人為物靈衣冠
英英儼若伯仲無異弟兄鎮茲癸土相顧弗驚律
叶夷則宿應長庚于萬斯年河流順平載稽字說
因知陝名陝从二人意實相并左右對拱人繇中
行分明陝字取義相形蒼頡既往何人可評
氏言孔訛千載弗明後來賢哲宜鑒斯銘

魏野草堂

在州東三里宋魏野草堂彈琴其下好事者多
樂天洞前為草堂彈琴其下好事者多
載酒從之游嘯咏終日出則跨白驢見者異之真
宗祀汾陰遣陝令王希呂之野不至命圖其居冠
準嘗訪野于此野以詩謝準曰驚回一覺遊仙夢
村巷傳呼宰相來宋宋敏求退朝錄魏野草堂于陝

郊其地頗有水竹之勝客至必留連飲酒真宗時
聘召不起天禧中卒贈秘書省著作郎野子開有
父風皇祐中天章閣待制李公昭遇守陝言于朝
賜號清逸處士沈括夢溪筆談蜀人魏野隱居不
仕官以詩著名卜居陝州東門之外當世顯人多
與之遊寇忠愍尤愛之嘗有贈忠愍詩云好向上
天辭富貴却求平地作神仙後忠愍鎮北都台野
置門下吳正憲憶陝郊詩曰南郭迎天使東郊訪
隱人隱人謂野也野有子開亦有清名今尚居陝
中金郝子玉經魏野草堂詩郊原冷落霜風後桑
柘蕭條兵火餘試問當時
卿與相幾家猶有舊田廬

寺觀空相寺

在七里社熊耳山西
即初祖達磨葬處

興國萬壽寺

明一統志在州治東南隋
開皇中建明洪武中重脩

寶輪寺

秀建金僧智秀復置磚塔

金山寺

在馬定建唐

大通寺

在東樊社唐

重慶寺

在崔村社宋

開化寺

明一統志在州東三門集津宋司馬
光詩句山有古來色河流無盡期

慈雲寺

在朱家原社

龍泉寺

在馬河社金

清涼寺

在橫渠社金

福勝寺

在東樊社元

慶福寺

在西樊社元

龍興寺

趙行省建元

法藏菴

在衛社明洪武

佑德觀

在州南門內宋崇

迎祥觀

在州城

紫微宮

在州東硤石鎮

祠墓召公祠

即召公聽政處

河上公祠

在州南西樊社鷄足山唐明皇經河上

公廟詩昔聞有耆叟河上獨遺榮蹟與
塵囂隔心將道德并詎以天地累寧為寵辱驚矯
然邈寥廓如何屈堅貞玄妙門啟肅肅祠宇清
冥漠無先後那能紀姓名張九齡奉和聖製經河
上公廟詩昔者河邊叟誰知隱與仙姓名終不識
章句此空傳跡為望忘悔言猶強著詮精靈竟何
所祠宇獨依然道在紆宸眷風行動睿篇從茲化
天下清淨復何先蘇題詩河流無日夜河上有神
仙輦路曾經此壇場即宛然下疑成洞穴高若在
空烟善物遺方外和光繞道邊事因周史得言向
漢王傳喜屬膺期聖邦家業又玄張說詩河上無
名老知非漢代人先探道德要留待聖明辰玄妙
為天下清虛用谷神化和氣一風與太初隣靈
廟觀遺像仙歌入至真皇心齊萬物何處不同塵
金趙東文河上公廟詩河上丈人忘姓名一編道

德了一生時來河上觀
物化投膠欲變黃河清

唐姚懿墓

在州東衛村社崇之父

宋魏野墓

在州東郭外

孝烈貞婦墓

晉書陝婦人不知姓字年十九劉曜

時娶居陝縣事叔姑甚謹其家欲嫁
之毀面自誓後叔姑病死叔姑女在夫家先從此
婦乞假不得目而誣殺其母有司不能察而誅之
時有羣鳥悲鳴尸上其敬甚哀盛夏暴尸十日不
腐亦不為虫獸所敗其境乃經歲不雨曜遣呼延
謨為太守既知其寃乃斬此女設少牢
以祭其墓謚曰孝烈貞婦其日大雨

欽定方輿路程考畧

靈寶縣

在州西少南六十里東西距五十五里南
北距一百里東至陝州界二十里少北至

州治六十里西至閿鄉縣界三十五里少南至縣

治六十里南至盧氏縣界一百里少東至縣治一

百八十里北至黃河山西平陽府芮城縣界三里

東南至盧氏縣界一百十里西南至陝西西安府

洛南縣界一百八十里東北至山西平陸縣治七

十里西北至芮城縣治四十里本戰國秦函谷關

地漢武帝元鼎四年置弘農郡治焉後漢晉宋司

之後魏為西恒農郡治隋開皇十六年析置桃林

縣屬河南郡義寧元年屬弘農郡唐武德初屬陝

州天寶元年以於縣得寶符改曰靈寶宋金目之

元至元三年省入陝縣八年復置併虢州及虢略

縣入之仍屬陝州明不改今日之唐吳融靈寶縣

西詩碧溪歛歛流殘陽晴沙兩兩眠鴛鴦柳花無
賴苦多暇蛺蝶有情長自忙千里宦遊成底事每
年風景是他鄉高歌一曲
垂鞭去盡日無人識楚狂

山川峴頭山

一名峴山明一統志在縣東三十五里山
連陝州界曹陽水出焉形似襄陽峴山故
名明許論詩嵐光滴翠滿吟鞭况是西南雨
霽天笑拍綠苔千萬點此中誰要買山錢
鹿蹄山縣志在號畧鎮南水經注曰渠水迺鹿蹄
山西山石之上有鹿蹄自然成者非人工

所刊
故名

燕子山

縣志在縣東南七十里
秋燕多蟄于此故名

胡山

縣志在縣南十五里

女郎山

縣志在縣南五十里上有靈泉明王甲女
郎山碑記邑南八十里山曰女郎嶺有聖
女祠旁有泉池冬夏不竭禱雨輒應志以靈泉著
之究其原漢時山下李姓者有二女長曰玉真年

十九次曰妙真年十七鄉隣求姻二女不與父母
怪而問之曰女有夫家指此山也一日姊妹俱遁
不見父疑而尋之果見二女在巖石間曰何謂也
女曰此山夫家也遂結茅共居一旦二女同時昇
仙而去其旁有洗面水石臺五子石凡祈求蠶桑
無不感應又許論女郎山詩嗟我高聳女郎山峭
壁危峯不可攀晴日晚霞
林影翠只宜寫在畫圖間

石堤山

縣志在縣西六十里寰宇記在弘農縣西
南十七里西連華山水經注百谷水出弘

農縣西石堤山

山下有石堤祠

伏犢山

寰宇記在弘農縣西南二十
八里東接嶠函西連仙掌

石城山

寰宇記在弘農縣西南三十五里漢志弘
農縣有嶠山嶺下谷燭水所出北入河水

經注作衡嶺世謂之石城山開
山圖曰衡山在函谷西南是也

浮山

縣志在縣西南九十里
上有浮丘封濟侯廟基

地肺山

一名肺山在縣西南一百里即古栝樅山
也寰宇記作地肺山隋志弘農郡朱陽縣

有肺山

牧夔嶺

縣志在縣西南十
五里即桃林也

西原

縣志在縣西南五十里唐天寶末哥舒翰出
潼關與賊戰遇賊將崔乾祐之兵于靈寶西

原即此

方伯堆

元和志方伯堆在弘農縣東南五里水經
注燭水歷澗東北出謂之開方口水側有

阜名方伯堆堆上有

東厓

在縣城東明劉龍東厓精舍記靈寶城內有

土嶙峋壁立高數仞廣可十餘畝與東城相

黃河

在縣北十里自閿鄉縣流入又東入陝州界

五里明世宗黃河澄清詩丁亥季冬十有六日河
南之省靈寶之邑黃河澄清拖練湛壁越之四辰
官占叶吉縣吏來報戊子之春乃命禮曹詳考其
日宗伯獻夫述奏以申謂禮宜賀率屬表陳予慚
弗允益厲恭寅請謝河伯朕許曰然既而復思斯
本自天遡源徂流禮有後先遣官馳往秉其精專
甲申告吉露拜誠虔祀禮已成仰荷蒼乾帝垂鑒
歌稽首拳拳永懷庶春勉進德焉既而羣臣舞拜

致賀予心甚愧稱之太過二三輔臣作歌以頌錄
以來呈其詞雍雍忠誠具悉心德協一尚賴匡弼
勿或爾逸蒙帝錫瑞四海寧謐德進業修罔敢自
失大道當欽祖憲遵悉是訓是行恐恐慄慄政務
惟善民困惟恤唐
虞之際吾欲與匹

柏谷水

一名窟澗水在縣西水經注百谷水出弘

河

門水

縣志在縣西山海經華陽之山門水出焉北

拒城之西北分為門水東北流歷陽華之山又東
北歷陝謂之鴻關水又北逕弘農縣故城東側城
北流而入于河唐韋莊詩清澗漲時翹鷺喜綠
索深處哺牛鳴明許進詩澗獮弘農世累遷水聲

汨汨自常年涼宵月午書窓靜清晝門扃篆縷旋
亂入松風吃虎豹細蕪竹雨響笙弦閑愁都付水
聲去清徹靈臺興欲翻

蓄水

縣志在縣東二十五里隋志桃林縣有蓄水
水經注源出陝縣南常烝山西北逕曲沃城
南又屈逕其城西西北入河

曹水

一名好陽澗在縣東漢書注顏師古曰水出
陝縣西南峴頭山北入河水經注源出南山
北徑曹陽亭西又西北入于河

田渠水

在縣東南水經注源出衡山之白石谷東
北流逕故丘亭東又徑鹿蹄山西北注于
水燭

燭水

在縣南後漢志弘農縣燭水所出水經注燭
水有二源左水南出石城山東北流逕石城
西又東北合右水右水出石城山東北逕石城東
又東北合左水亂流東注于緒茹水歷澗東北出
謂之開方口又東北逕邑川城南又

弘農渠

新唐志弘農縣南七里有渠貞觀
元年令元伯武開引水北流入城

豐盛渠

在縣南關又柳溪渠在縣南七十里由項
城號東澗口至婁下諸村溉田邑人許柳

溪所開故名又盛德渠在孟村清猶渠在王塚底
永清渠在店頭村康民渠在東西流大清渠在墻
底村福民渠在嫌溝鴻溝渠在五里頭子母渠在
故號州青龍渠在營田溝永盛渠在萬宿底樂民
渠在莊裡太和渠在南村通和渠在馬拳頭黃清
渠在梁村永流渠在布莊村和順渠在川口通道

渠在塢山上水渠在車村富民渠在大中原得成
渠在魏州西中水渠在磨頭順水渠在小中原水
利渠在尹莊上河渠在秋梓底古道渠在婁下長
清渠在鹽底順通渠在佛窰灣問和渠在三聖底
龍灣渠在梨園莊和順渠在田真民望渠在城烟
紅陽渠在開方口樂盛渠在十字口益民渠在李
曲澤民渠在坡頭村水泉渠在水泉頭足民渠在
延里村得勝渠在淪渡村裕民渠在宋村里滋民
渠在澗口原民渠在神渠村橫渠在橫渠村祐民
渠在南趙村聖灣渠在三聖東南灣以上諸渠歷
代相繼修浚皆
引山水溉田

關梁函谷關

戰國時秦故關也漢初置關都尉守之
一統志在縣南十里老聃西度田文東出
皆在此關左右有望氣雞鳴二臺遺址括地志故
關在桃林縣西南十二里地理通釋秦函谷關在

漢弘農縣即靈寶縣西南十二里故關是也今大
路在北本非衿束之要漢武元鼎三年楊僕為樓
船將軍本宜陽人今福昌縣恥居關外請以家僮
七百人徙關于新安帝從之水經注自潼關歷北
出東嶺通謂之函谷關遠岸天高空谷幽深澗道
之峽車不方軌號曰天嶮又云故函谷關校尉舊
治處也終軍棄繻于此戴延之西征記關城在谷
中深險如函故以為名其中劣通東西十五里絕
岸壁立崖上柏林蔭谷中殆不見日寰宇記其城
北帶河南依山周五百餘丈高二丈搜神記漢武
帝東遊出函谷關有物當道身長數丈其狀象牛
青眼而曜睛四足入土勁而不徙百官驚駭東方
朔乃請以酒灌之灌之數十斛而物消帝問其故
答曰此名為患憂氣之所生也此必是秦之獄地
不然則罪人徒作之所聚夫酒忘憂故能消之也
帝曰吁博物之士至于此乎開天傳信錄開元末

于弘農古函谷關得寶符遂改元天寶其符白石
赤文正成桑字解者曰所以示明皇御曆之數也
唐獨孤及古函谷關銘王者建邦經野觀象立極
于是有重門擊柝以待暴客故封畧土宇守在關
塞山川丘陵為之城池天作峭函屏京室崇山
迴合連岡業倚長河屈盤萬里未束崖奔嶺感谷
抱谿鬪崛起重險為秦東門截函夏于閩國鎖天
府于戶牖外阨八州之咽喉故百二形為內權六
合之奧區故霸王出焉當其中原鹿駭戰國蝟起
嬴氏建瓴山東擇肉宇內持戟百萬連衡此關于
是時也開門而九國師遁振策而二周鼎入奄有
大寶遂吞中區洎江返秦辟天祐漢祚高皇帝提
劍而起以過亂畧斬白帝紿降王舉漢中兵平咸
陽廓全城以建都活萬姓以三章取威定功此為
是保粵若詢事國牒聆風仙錄則貞氣靈蹤起乎
其中柱史一去流沙萬里留玉函于舊宅傳寶圖

于本枝豈上帝乃眷興王是感不然何錫羨開國
如此其大歲在大火余適下陽停驂塞門憑覽舊
國襟帶如故世道不留秦餘空山漢遺茂草恐復
舟失于壑岸化為谷萬載之後昧者不知乃刻頌
此石以示來裔其辭曰天地雷雨英雄交爭設險
守國作藩于京姓易時移山空塞平千秋陵谷想
見精靈仙駕長往雄圖杳冥于以志之勒銘巖扃
明唐樞遊記函谷靈寶縣南十里黃塚村老子西
行田文東出者更南三十里為古號城羣山中一
徑通盧氏縣乃四方交道西通陝西之商州南通
湖廣之房竹東出嵩汝唐宋之間過函谷關詩二
百四十載海內何紛紛六國兵同合七雄勢未分
從成拒秦帝策決問蘇君鷄鳴將狗盜論德不論
勳岑參函谷關歌君不見函谷關崩城敗壁至今
在樹根草蔓遮古道空谷千年長不改寂莫無人
空舊山聖朝無事不須關白馬公孫何處去青牛

老人竟不還蒼苔白骨空滿地月與古時長相似
野花不須見行人山鳥何曾識關吏故人方乘使
者車吾知郭丹却不如請君時憶關外客行到關
西多寄書韋應物詩句洪河絕山根單軌出其側
萬古為要樞往來何時息胡宿函谷關詩天開函
谷壯關中萬古驚塵向此空望氣竟能知老子棄
繻何不識終童謾持白馬先生論未抵鳴鷄下客
功符命已歸如掌地一九曾誤隗生東又詩寂莫
函關鎖未開田文車馬出秦來朱門不養三千客
誰為鷄鳴得放回元陳基函關詩萬里西遊客歸
期趁早鴻澗泉明曉練山果落秋紅鳥度煙
嵐外人行泥淖中前途逢驛使立馬問關東

洪關

一名鴻關縣志在故弘農西南四十里水經注門水東北歷峽謂之鴻關水東有城即關亭也水西有堡謂之鴻關堡

涇津關

在縣西北十里黃河津濟處也以河北有涇水為名隋義寧元年于涇津置關唐貞觀初廢關置津水經注河水東合門水于此有涇津之名

好陽鋪

在縣東十里又菑水鋪在縣東二十里達陝州界

王塚鋪

在縣南十里又號畧鋪在南四十里番底鋪在縣南七十里固水鋪在縣南一百里

達盧氏縣界

望河鋪

在縣西十里又稠桑鋪在縣西二十里靖遠鋪在縣西三十里達閿鄉縣界

好陽橋

在縣東十里

號州橋

在縣南號畧鎮東

雙虹橋

在縣西弘農澗上

沙河橋

在縣西稠桑鎮皆秋暮成梁迨夏而撤

古蹟弘農故城

在縣南秦函關之地漢武帝元鼎三年徙關于新安以故關置弘農縣四年置

弘農郡治焉後漢更始初鄧暹等下武關進攻右隊西拔湖尋復曰弘農獻帝時避諱改名曰恒農永熙三年分為西恒農郡治周明帝廢郡隋大業三年復于故湖城縣西一里置縣兼置弘農郡尋隨郡移治弘農川義寧元年又移弘農郡治陝而以弘農縣置鳳林郡唐武德元年改鼎州貞觀八年廢鼎州自盧氏縣移號州未治神龍元年又避諱改弘曰恒開元十六年復故天寶初曰弘農郡乾元初復曰號州屬河東道宋建隆三年避諱又改恒農至道三年又改曰號畧仍為號州號郡治

屬永興路金貞祐二年割為陝州支

郡元至元八年州縣皆廢入靈寶

玉城廢縣

縣志在縣東南八十里元魏置石城郡統玉城縣西魏罷之唐復置縣屬號郡

後改屬號州宋熙寧

四年省入號畧縣

朱陽故城

縣志在縣西南一百里元魏置朱陽郡統朱陽縣後周廢之隋復置縣屬弘農

郡唐屬號郡又改屬號州宋省入

常農縣後復置元併入靈寶縣

邑川故城

在縣南水經注燭水東北逕邑川城南即漢封竇門之故邑川受其名亦曰竇

門城在函谷關南七里隋志朱陽有舊

邑陽縣開皇末改為邑川大業初併入

項城

在縣南七十里相傳項羽屯兵處

沙城

在縣西北五里三面距河南有

柏谷亭

深塹相傳唐武后幸洛陽時築亭下昔晉公子重耳出亡及柏谷卜適齊

楚狐偃曰不如之翟漢武故事帝即位為微行嘗至柏谷夜投亭長宿亭長不納乃宿逆旅逆旅翁要少年十餘人皆持弓矢刀劍令主人媼出遇客婦謂其翁曰吾觀此丈夫非常人也且有脩不可圖也天寒媼酌酒多與其夫夫醉媼自縛其夫諸少年皆走媼出謝客殺雞作食平旦上還宮乃召逆旅夫妻見之賜媼金千斤擢其夫為羽林郎

曹陽亭

史記注晉灼曰曹陽亭名在弘農縣東十

名縣志即今好陽舖後漢獻帝曾露次于此曹操改曰好陽

桑田

一名稠桑驛縣志在縣西二十五里俗稱東

號之桑田也寰宇記稠桑驛在縣西十八里左傳僖二年號公敗戎于桑田金趙東文稠桑谷遇雨詩窮秋雨渡稠桑谷馬滑還經險路過騎上下山三十里天教衝雨看黃河

桃源宮

在縣城內唐武德初置

翠微宮

縣志在縣北黃河南岸唐武后幸東駐蹕之所

尹喜臺

一名望氣臺即尹喜故宅也唐即其地為太初宮寰宇記在縣南十二里縣志在函

谷關南唐郎士元題尹真人祠詩宿宵雲旂去不還陰陰祠宇閉空山我來始悟丹青妙稽首如逢水雪顏孟郊尹真人舊宅詩道士無白髮語言靈泉清青松多壽色白石恒夜明放步霽霞起振衣

華風生真文秘中頂寶氣浮四極一片古關路萬
里今人行上仙一可見驅策徒西征韋莊尹喜宅
詩荒原秋殿柏蕭蕭何代風煙占寂寥紫氣已隨
仙仗去白雲空向帝鄉消濛濛暮雨春鷄唱漠漠
寒蕪雪兔跳欲問靈蹤無處所十洲空濶閬山遙
明劉咸詩昔人已乘青牛去海濶天高幾昏曙空
餘百尺望氣臺至今猶在經行處

老子故宅

在城北二里相傳即今之聖祖宮也唐
元宗過老子廟詩仙居襄聖德靈廟肅
神心草合人蹤斷塵濃鳥跡深流沙丹灶沒關路
紫烟沈獨傷千載後空餘松柏林皇甫冉登玄元
廟詩古廟川原迴重門禁籞連海童紛翠蓋羽容
事瑣筵御路分踈柳離宮出苑田興新無向背望
久辨山川物外將遺老區中誓絕緣函關若遠近
紫氣獨依然溫庭筠老君廟詩紫氣氤氳捧半巖

蓮峯仙掌共嶢嶢廟前晚色連寒水天外斜陽帶
遠帆百二關山扶玉座五千文字閎瑤緘自憐金
骨無人識知有飛龜在石函明許進詩桃林北去
大河濱故宅依依畫掩塵令尹詎能知異地至言
緣欲授斯人青牛關上征驂度紫氣天邊暮
靄勻仙轍千年無覓處遺編祇好伴閑身
楊震宅寰宇記在縣西柏谷亭李肇國史補楊氏
自楊震號為關西孔子葬于潼亭至今七
百年子孫猶在閬鄉
故宅天下一家而已

三堂

在縣南號州故城內唐開元中岐王薛王判
州時所建後刺史馬錫重新之堂以三名者
明臣子在三之節也唐呂溫三堂紀畧廣踰百步
深入重局迴塘屈盤沓島文映溟渤轉于環堵蓬
壺起于中庭春之日衆木花拆岸鋪島織沉浮照
耀其水五色于是手襲馨擷奇方舟逶迤樂魚時

翻飄葉雪飛沂水環迴隱映差池咫尺迷路不知
所歸此則武陵仙源未足以極幽絕也夏之日石
寒水青松密竹深大柳起風甘棠垂蔭于是濯纓
連漪解帶升堂畏景火雲隔林無光虛甍沈沈皓
碧如霜弱扇不搖南軒清涼此則楚襄蘭臺未足
以滌炎鬱也秋之日金飈掃林菊籥洞開太華爽
氣出關而來于是弦琴端居景物廓如月委皓素
水涵空虛鳥驚寒沙露滴高梧境隨夜深疑與世
殊此則庾公西樓未足以澹神慮也冬之日彤雲
千里大雪盈尺四眺無路三堂虛白于是乎置酒
褰帷凭欄倚楹瑤塔如貝玉樹羅生日暮天霽雲
開月明水泉潺潺終夜有聲此則子猷山陰未足
以暢吟嘯也韓愈和號州劉給事使君三堂新題
二十一詠序號州刺史宅連水池竹林往往為亭
臺島渚日其處為三堂劉允自給事中出刺此州
在任逾歲職修人治州中稱無事頗復增飾從子

弟而遊其間又作二十一詩以詠其事流行京師
文士爭和之余與劉善故亦同作新亭詩湖上新
亭好公來日出初水文浮枕筆瓦影陰龜魚又流
水詩汨汨幾時休從春復到秋只言池未滿池滿
強交流又竹洞詩竹洞何年有公初斫竹開洞門
無鎖鑰俗客不曾來又月臺詩南館城陰潤東湖
水氣多直須臺上看始柰月明何又渚亭詩自有
人知處那無少往蹤莫教安四壁面面看芙蓉又
竹溪詩藹藹溪流漫稍稍岸篠長穿沙碧斡淨落
水紫芑香又北湖詩聞說遊湖棹尋常到此迴應
畝醒心處準擬醉時來又花島詩蜂蝶去紛紛香
風隔岸聞欲知花島處水上覓紅雲又柳谿詩柳
樹誰人種行行夾岸高莫將條繫纜著處有蟬號
又西山詩新月迎宵挂晴雲到晚留為遮西望眼
終是懶回頭又竹筵詩無塵從不掃有鳥莫令彈
若要添風月應除數百竿又荷池詩風雨秋池上

高荷蓋水繁未諳鳴撼撼那似卷翻翻(又稻畦詩)
星布畦堪數枝分水莫尋魚肥知已秀鶴沒覺初
深(又柳巷詩)柳巷還飛絮春餘幾許時吏人休報
事公作送春詩(又花源詩)源上花初發公應日
來丁寧紅與紫慎莫一時開(又北樓詩)郡樓乘曉
上畫日不能迴晚色將秋至長風送月來(又鏡潭
詩(非鑄復非鎔)泓澄忽此逢魚蝦不用避只是照
蛟龍(又孤嶼詩)朝遊孤嶼南暮戲孤嶼北所以孤
嶼鳥與公盡相識(又方橋詩)非閣復非船可居兼
可過君欲問方橋方橋如此作(又梯橋詩)乍似上
青冥初疑躡齒齒自無飛仙骨欲度何由敢(又月
池詩(寒池月下明)新月池邊曲若不妬青妍却成
相映燭(賈島詩)無窮草樹昔誰栽新起臨湖白石
臺兩岬泥沙孤鶴立三堂風雨四門開荷翻團露
驚秋近柳轉斜陽過水來昨夜北樓堪朗咏(魏城
初鎖月徘徊(韋莊三堂東湖詩)滿塘秋水碧泓澄

寺觀毘羅寺

十畝菱花晚鏡清景動新橋橫蝦蟆岸鋪芳草睡
鷓鴣蟾投夜魄當湖落嶽倒秋蓮入浪生何處景
添詩客興黃昏煙雨亂蛙聲(又三堂早春詩)獨倚
危樓四望遙杏花春陌馬鞍驕池邊水刃暖初落
山上雪稜寒未銷溪送綠波穿郡宅日移紅影
度村橋主人年少多情味笑換金龜解珥貂
府志在女郎山中境頗清勝(明苟汝安詩)
招提卜幽谷岑寂少人跡日上山鳥鳴春

御題寺

在南門內西唐德宗為雍
王時過此留詩于壁故名

普照寺

在縣南號
畧西里

經藏寺

在縣南號
畧東里

文殊寺

在縣西
常冊里

苦煉寺

在縣南
間口里

嚴福寺

在縣南北
朱陽里

魚塘寺

在北朱陽里寺
有泉魚出其中

玉泉寺

在縣東
南趙里

普福寺

在縣西南
項城里

寶聖寺

在縣東
李曲里

奉慈寺

在縣東
五底里

上雲寺

在縣東上
丘梁里

開元寺

在縣西
號畧里

雲林寺

在縣南
五里

藥師寺

在縣西
古驛村

清涼寺

在縣西澗南
里得捕村

彌陀寺

在縣南天恩
里墻底村

永明寺

在縣西
杞婁村

永慶寺

在縣西
萬度村

連聖寺

在縣西萬上里馬村

衝天寺

在縣南衝天寨

柳林寺

在縣東梁村里營田溝

禪林寺

在祀婁里西山

延壽寺

在縣南回頭村

元真宮

在底村

混元宮

在號畧鎮西原

大虛觀

在東門內

玉真觀

在庄曲里

靈泉觀

在縣東南趙里

長春觀

在縣南嶽山里

游龍觀

在縣南北朱陽里

重陽觀

在縣南婁下里

洞陽觀

在號畧東里

陵墓關龍逢墓

寰宇記在縣西南七里唐太宗東巡致祭開元十三年立碑唐歐陽詹懷忠賦

序丙寅歲詹因受譴季冬之月次于殷墟歷關龍逢墓焉昔聆其風未嘗不迴腸賈涕覩夫瑩壘心

又增傷遂寫憤于言為賦以弔先生以忠諫致命故以懷忠命篇云

晉楊駿墓
寰宇記在縣南十里故吏潘岳等收葬于此

欽定方輿路程考畧

閿鄉縣

在州西南一百二十里東西距八十五里南北距三十三里東至靈寶縣界二十五里少北至縣治六十里西至潼關陝西西安府華陰縣界六十里至縣治一百里南至西安府洛南縣界二十五里北至縣治三十里東至黃河山西平陽府芮城縣界八里至縣治三十里東南至盧氏縣治一百八十里西南至洛南縣界五十里至縣治二百二十里東北至平陽府解州治八十里西北至平陽府蒲州治一百二十里本戰國秦湖關地漢初置胡縣屬京兆尹建元元年更名曰湖後漢建武十五年改屬弘農郡晉曰之宋曰湖城縣北周明帝二年置閿鄉郡隋開皇三年郡廢十六年改縣曰閿鄉郡屬河南郡唐武德初屬陝州貞觀八年改屬虢州宋太平興國二年改屬陝州金元明不改今曰之

〔元〕宋 裴 闋 鄉 道 中 詩 句 風 雨 度 嶠 岷 新
晴 喜 若 何 雲 間 瞻 太 華 馬 上 看 黃 河

山 川 石 姥 山

〔明〕一統志 在縣東南十八里入谷三里有
飛泉百尺〔明〕楊英夢游軒記 斷崖絕壁懸

涼氣逼人
流澦沫六月

夸父山

〔明〕一統志 在縣東南二十五里山有林曰
桃林〔元和志〕山在湖城縣東南三十五里
〔水經注〕湖水出桃林塞之夸父山廣員三百仞〔山
海經〕湖縣西九十里曰夸父山其木多椶栲多竹
箭其陽多玉
其陰多鐵

荆山

〔縣志〕在縣南三十五里〔明〕一統志 在縣南二
十五里近有鑄鼎原〔新唐志〕湖城縣有覆釜

山一名荆山〔史記〕封禪書 黃帝采首山銅鑄鼎于
荆山下後世名其處曰鼎湖〔魏書〕釋老志 世宗嘗
于恒農荆山造珉玉像〔宋〕鮑照陽春登荆山行 旦
登荆山頭崎嶇道難遊 早行犯霜露苔滑不可留

極眺入雲表窮目盡帝州方都列萬室層城帶高樓奕奕朱軒馳紛紛縞衣流日氛映山浦暄霧逐風收花木亂平原桑柘綿平疇攀條弄紫莖藉露折芳柔遇物雖成趣念昔不解憂且共傾春酒長歌登山丘(唐李白飛龍引)黃帝鑄鼎于荆山鍊丹砂丹砂成黃金騎龍飛上太清家雲愁海思令人嗟宮中彩女顏如花飄然揮手凌紫霞從風縱體登鑿車侍軒轅遨遊青天中其樂不可言(錢起獨往覆釜山寄郎士元詩)賞心無遠近芳月好登望勝事引幽人山下復山上將尋洞中藥復愛湖外嶂古僻苔入雲陰溪樹穿浪誰言世緣絕更惜知音曠鶯啼綠蘿春迴首還惆悵(又仲春晚尋覆釜山詩)蝴蝶弄和風飛花不知晚王孫尋芳草步步忘路遠况我愛青山涉趣皆游踐縈迴必中路陰晦陽復顯古岬生新泉霞峯映雪巖交枝花色異竒石雲根淺碧澗志忘歸紫芝行可寡應嗤嵇叔

夜林卧方沈湎(又登覆釜山遇道人詩)晨策趣無涯名山深轉秀三休變覆景萬轉迷宇宙攀崖到天窓入洞窮玉溜側徑躄怪石飛蘿擲驚狖花間鍊藥人雞犬和乳竇散髮便迎客采芝仍滿袖郭璞賦游仙始願今可就(又詩)真氣重嶂裏知君嘉遊幽山堦壓丹穴藥井通狀流道者帶經出洞中携我遊欲騷白蛻去且為紫芝留忽憶武陵事別家疑數秋(徐凝詩)黃帝旌旗去不迴空遺片石碧崔巍有時風捲鼎湖水散作晴天雨點來(明崔譽詩)古宮寂寞掩枯槐卷畫山川半綠苔人自登仙龍已去野花無數鳥飛來(唐韓愈詩)荆山已去華山來日照潼關四扇開(李商隱詩)句楊僕移關三百里可能全是為荆山

秦山 一名秦嶺(元和志)在縣南五十里高二千丈周三百里南入商州西南入華州界(明一統志)

志在縣南二十五里諺曰秦為頭號為尾太華相連故名明崔譽泰山詩石上寒泉嶺上松白雲深處有仙踪東風雨足春雲霽却望中條無此峰

閿山縣志在縣西南七十里即泰山數峯特出形勢嵯峨縣之得名以此

喊山縣志在縣西南三十里

湖峪縣志有大湖峪小湖峪俱在縣南二十里湖水出焉

棗鄉峪縣志在縣西

黃卷阪元和志在縣西北二十五里水經注河水傍絕澗涉此坂以升潼關晉潘岳西征賦發閿鄉而警策沂黃卷以濟潼注黃卷阪名

釋自潼關至函谷歷陝華二州之地俱謂之桃林塞辛氏三秦記桃林塞在長安東四百里若有軍馬經過好行則牧華山休息林下惡行則決河漫延人馬不得過矣水經注武王伐紂天下既定王及嶽濱放馬華陽散牛桃林即此處也其中多野馬造父于此得驂騮綠耳盜驪之乘以獻周穆王使之馭以見西王母又云全鳩水北經皇天原其西名桃原周武王休牛之地周書武成放牛桃林之野唐取漳送人赴都到桃林塞詩遠過桃林塞休牛自昔聞曲河隨暮草重阜接閒雲造父為周御詹嘉守晉軍應多懷古思落葉又紛紛

桃原即古桃林也元和志桃原在閿鄉東北十里山海經夸父山北有林焉名曰桃林其中多馬寰宇記自靈寶以西至潼關皆桃林地地理通

皇天原在縣西南四十五里水經注玉澗水北流徑皇天原西周固記閿山東首上平博方

皇天原在縣西南四十五里水經注玉澗水北流徑皇天原西周固記閿山東首上平博方

可里餘三面壁立高千許仞漢世祭天于其上名
之為皇天原上有漢武帝思子臺明楊英夢游軒
記玉澗西北曰皇天原原南曰方庫渠派于筐泉
注于東復折以北泉北曰鄔東聚蜀鄔真人隱所
也原之巔曰凌空觀鄔真人上昇
之地北脅曰阿對泉泉清白而甘

黃河

在縣北三里自山西芮城縣界南流抵陝西
華陰縣界潼關折而東迤縣北又東入靈寶

縣界水經注河水自潼關東北流北對風陵又東
北合玉澗水又東徑閿鄉邑又東合全鳩水又東
過河北縣南合永樂澗水又東徑芮城又會槃澗
又東徑湖縣故城北又合湖水又東合柏谷水

玉澗水

一名玉溪澗縣志在縣西南五十里源出
秦山其色清冷如玉經文底鎮北入于河
水經注水南出玉溪北流徑皇天原西又北徑閿
鄉城西世謂之閿鄉水又北注于河明楊英夢游

軒記閿谷之前曰玉澗一曰玉溪濱西城入于河
南北二十里水輪星飛蔬圃碁布灌溉之利有足
恃也

文峪水

縣志在縣西南五十里
會玉溪澗北入于河

湖水

縣志出秦山迤邐而西折抱而流北入于河
括地志湖水即昂水也水經注湖水出桃林

塞之夸父山又東
北徑湖縣東入河

九龍泉

縣志在縣南十里許有泉九淵淵不竭歲
旱禱雨輒應唐開元間勅封躍泉侯廟在

泉側宋邵雍九龍泉詩九潭冷浸崖根黑數峯高
入雲衢碧遊人屏氣不敢言長恐雷霆奮其側水
邊靜望天將暮猶自盤桓未成去馬
上回頭更一觀雲烟已隔無重數

阿對泉

縣志在縣西五十里皇天原麓二泉相對

漢楊震家僮阿對引灌于校書堂前原上居民皆下汲之至今以為利焉唐吳融詩六載抽

毫事禁閘可堪多病決然歸五陵年少如相問阿對泉頭一布衣

故縣泉

縣志在縣西南二十里去村數步平地湧出味甘不竭灌田賴焉

坊郭渠

縣志明弘治間知縣楊周開創自縣東南二里引而西流繞城西而北折灌田數頃

陽平渠

在縣南二十里陽平鎮縣志明弘治間知縣孟周鑿山架水凡十里陽平等民便之

趙村渠

在縣西南二十里

吳村渠

在縣西南五十里

堡裡渠

在縣西四十里堡裡村自甘澗峪車回頭起引迤本村北止

方庫渠

在縣西四十五里自皇天原之陽鑿渠引玉溪水附原而東北折復西迤運幾十里

注于校書堂前為池俗呼楊夫子硯水池

西董渠

在縣西四十五里高原不可井有泉出禁峪村民賴之

關梁潼關

在縣西六十里與華陰縣接界新唐志闕鄉縣有潼關地里通釋郡縣志云在華州華陰

縣東北三十九里古桃林塞也關西一里有潼水司以名關又云河在關內南流衝激關山因謂衝

關水經注潼激關山因謂潼關後漢建安十六年曹公破馬超于潼關上躋高隅俯視洪流盤紆峻

極實謂天險河之北岸則風陵津北至蒲關六十餘里河山之險遷迤相接自此西望川途曠然蓋

神明之奧區帝宅之戶牖(唐太宗入潼關詩)嶠函
稱地險襟帶壯兩京霜峯直臨道水河曲繞城古
木參差影寒猿斷續聲冠蓋往來急風塵朝夕驚
高談先馬渡偽曉豫鷄鳴棄繻懷遠志封泥負壯
情別有真人氣安知名不名(許敬宗和太宗入潼
關詩)曦馭循黃道星辰引翠旂濟潼紆萬乘臨河
耀六師前旌彌陸海後騎發通伊勢踰迴地軸威
盛轉天機(蘇題奉和聖製過潼津關詩)在德何夷
險觀風復往還自能同善閉中路可無關(張說奉
和聖製潼關口號應製詩)天德平無外關門東復
西不將千里隔何用一丸泥

大谷關

在縣西南秦山谷中(新唐志)關

風陵渡

在縣西六十里以北岸有風后陵故名接芮城縣界

曹公壘

(元和志)在縣西二十五里(水經注)河水自潼關東北流際河之西有曹公壘道東原

上有李典營(晉義熙十三年)王師曾據此壘(西征記)曰沿路逶迤入函道六里有舊城周百餘步北臨大河南對高山姚氏置關以守峽宋武帝入長安檀道濟王鎮惡為大小七營濱帶河險姚氏亦保據山院原阜之上尚傳故蹟

關東店鎮

在縣西五十里舊置分司今廢相近有文底麻莊二鎮

鼎湖馬驛

在縣治東又有闕鄉遞運所今並廢

晉王斜路

在縣東(寰宇記)晉王斜路即古函谷關路也西接湖城東至靈寶界六十一里

舊廢隋開皇九年晉王自揚州回復行此路因名晉王斜(新唐志)湖城縣東故道濱河不井汲馬多

渴死天寶八載館驛使宋渾
開新路自稠桑西由晉王斜

水泉鋪

在縣東十里又東王鋪在
縣東二十里達靈寶縣界

高柏鋪

在縣西十里又盤豆鋪在縣西二十里泉
井鋪在縣西三十里文底鋪在縣西四十
里七里鋪在縣西五十

里達陝西華陰縣界

湖陽渡

在縣西門外

盤豆橋

在縣西二十里

泉井橋

在縣西三十里

雙橋

在縣西四十里有鎮

玉溪橋

在縣西四十里

古蹟閩鄉故城

在縣西皇天原北本古鄉名(縣志)在縣西四十里(漢書)宣帝以湖閩鄉邪里聚

為戾園(後漢志)湖縣有閩鄉(元和志)閩鄉縣東南至虢州一百里周明帝二年置閩鄉郡隋開皇三

年廢十六年移湖城縣于今所改名閩鄉(水經注)玉澗水自皇天原又北逕閩鄉城西魏尚書僕射

閩鄉侯河東衛伯儒之故邑也(寰宇記)在陝州西一百七十里

湖城廢城

在縣東四十里本秦時湖關漢初置胡縣武帝更名湖縣後魏曰湖城隋開皇

十六年省入閩鄉義寧元年復置唐屬虢州乾元

元年改曰天平大曆四年復曰湖城宋太平興國

三年改屬陝州熙寧四年省入靈寶元豐元年復

置金回之元至元二年省入閩鄉(唐吳融題湖城

縣西道中槐樹詩零落歌斜此路中盛時曾識太
平風曉迷天仗歸春苑暮送鸞旗拍洛宮金趙秉
文過湖城詩暮行潼關道百里蒼山昏勢斷忽平
野大河東南奔我行屬冬季風雪浩以繁堅水結
層陰狐貉不得溫豈不念白首出使
萬里籓惜彼守凍者據鞍復何言

盤豆城

一名盤豆柵今為盤豆鎮在縣西南二十
里西魏大統三年宇文泰東伐使于謹為

前鋒攻盤豆拔之唐李商隱出關宿盤豆館對業
蘆詩蘆葉梢梢夏景深郵亭暫欲洒塵襟昔年曾
是江南客此日初為關外心思于臺邊風自急玉
娘湖上月應沉清教不遠行人去一世荒城伴夜
砧韋莊題盤豆驛水館後軒詩極目晴川展畫屏
地從桃塞接蒲城灘頭鷺占清波立原上人侵落
照耕去雁數行天際沒孤雲一點淨中生憑軒盡
日不迴首楚水吳山無限情王建使次盤豆驛詩

山河不記何年別城郭應非昔所經
欲駐征車終日望天河雲雨晦冥冥

全鳩里

在縣西以全鳩水為名漢戾

思子宮

在縣東北二十五里漢武帝作歸來望思
之臺于湖水經注槃澗水北徑思子宮歸

來望子
臺東

上陽宮

在縣東隋志桃林縣有上陽宮寰宇記隋
于上陽宮置湖城縣唐移縣于宮東南一

里

軒游宮

在縣城內新唐志闕鄉有軒游
宮故隋別院宮咸亨五年更名

望思臺

在縣西皇
天原上

平吳臺

築此以表武功

在縣西二十里（元和志）赫連氏京觀俗號平吳臺晉末赫連昌攻克朱齡石于潼關

三鱣堂

一名草堂亦名校書堂在縣西四十里皇天原北後漢楊震講堂也（明楊英夢游軒

記）三鱣講堂有碑集右軍書堂有三曰草堂影堂

井堂北二十步有養魚池影堂在關東店井堂在

道北一里（崔譽校書堂詩）簾前山色草堂虛樹影

參差滿綠餘風物依然時序改小窓不見昔人書

（楊慎校書堂詩）碧玉簷前是故鄉路傍遙指

校書堂今來帶劍騎征馬羞向關中道姓楊

通暉庵

在皇天原唐詩人吳融所築吳融字子華越州山陰人力學富辭調龍紀初登進士

韋昭度表掌書記後召入累翰林學士中書舍人

昭宗反正草詔稱旨進戶部侍郎鳳翔初迂去客

寺觀蓮池寺

在縣東南二十里

閩鄉未幾台還有唐英集（吳融卜築書懷詩）傍岩依樹結簷楹夏物蕭疎景更清灘嚮忽高何處雨松陰自轉此山晴見多鄰犬遙相認未怪幽禽近不驚爭敢便誇饒勝事九衢塵裏免勞生

萬泉寺

在縣東南二十五里

法雲寺

在縣南二里（明楊英夢游軒記）法雲唐武后時國師萬迴寺也傳信記萬迴師閩鄉

人也神用若不足謂愚無所知雖父母亦以豚犬畜之兄被戍役安西音聞隔絕父母謂其誠死日夕涕泣而憂思也萬回顧父感念甚忽跪而言曰涕泣豈非憂兄耶父母曰信然萬曰詳思我兄所耍者衣裝糗糧之屬悉脩之某將覲焉忽一日朝賫所脩夕返其家告父母曰兄乎善矣發書視

之乃兄迹也一家異之弘農抵安西萬餘里以其
萬里而回故謂之萬迴也居常貌如愚癡忽神異
驚人也在藩邸或遊行人間萬迴于聚落街衢
高教曰天子未或曰聖人未其處信宿間上必經
過徘徊也

吉祥寺 在縣南二十里

興善寺 在縣西南二十里

靜林寺 在縣西南三十里

羅漢寺 在縣西南三十五里

覺勝寺 舊在城東移建西關明楊慎詩野寺春來草色青遠山淡淡水泠泠隔窓人靜流鶯

依語楊柳依依綠滿庭

洪福寺 在縣西十五里

圓通寺 在縣西二十里

壽合寺 在縣西二十五里

興化寺 在縣西二十五里

法王寺 在縣西三十里

龍興寺 在縣西四十里

香山寺 在縣西四十里

彌陀寺

在縣西六十里

朝陽觀

在城內明房景敬詩洞裏桃開又一年閒情高卧遠人烟猿吟木末雲生石鶴舞松

陰月在天神白夜寒春紫粉玉爐火煖熟紅鉛知君已得淮南秘羽化寧須問稚川

玉嵩觀

在縣東南三十里

煉真觀

在縣南二十里

朝元觀

在陽平社

祠墓周天子祠

在縣南漢志湖縣有周天子祠二所寰宇記在湖城縣西南十里

三聖姑行祠

在盤豆鎮明楊智三聖姑行祠碑記國初鄉人于夔津之東臯掘得石刻

上勒三聖姑行祠五字亦無年號至景泰辛未者民屈敬等為之修殿一所後為山水衝擊其遺址尚存嘉靖乙巳仍其舊跡而新之且宏其規為正殿兩廡繚以周垣明年丙午祠告成林木叢蕃河山秀麗祠圍于中儼然一嘉境也父老相傳唐開元間近京有巨媪生三女孟曰光仲曰威季曰哀三女少孤而風神秀爽儀度清嚴且孝愛嫻睦巧文辯慧有詩傳于世如朱樓影直日當午玉樹陰低月已三之句精粹瑩潔雖謝家聯雪未必能加俱未適人而死後皆為神孟治戊己兼蠶繅仲治庚癸兼嗣緒季治畢箕兼疹疫皆精靈如嚮斯答以故人多祀之俗稱後周世宗時虞毓大早有樵夫入山至一幽棲處所見茂林激湍綠窓朱戶美女三人同席而望顧樵夫有憂旱之色而謂之曰

明日午時當雨樵夫回至期果如其言訪其處惟古祠一區像列三女眾乃驚異而歸嗚呼神之生

而聰慧賢達死而靈爽不昧若曹祀而事之豈非得禮之宜者與

漢戾園

寰宇記在今縣南十六里高一百五十尺漢書宣帝以湖閿鄉邪里聚為戾園

晉王濬墓

在縣東十五里唐劉餗隋唐嘉話武后將如洛陽至閿鄉縣東騎忽不進召巫

言晉龍驤將軍王濬云臣墓在道南每為樵者所苦聞大駕至故求哀后勅去墓百步不得耕殖至今荆棘森然唐明皇過王濬墓詩吳國分牛斗晉室命龍驤受任敵已滅策勛名不彰居美未盡善矜功徒自傷長戟今何在孤墳此路旁不觀松柏茂空餘荆棘場欲嗟縣劍隴誰識夢刀祥張九齡奉和聖製過王濬墓詩漢王思鉅鹿晉將在弘農入蜀舉長算平吳成大功與渾雖不協歸皓實為雄孤績淪千載流名感聖衷萬乘度荒隴一顧澶生風古節猶不棄今人爭効忠張說奉和詩牛斗

三分國龍驤一統年智高寧受制風急肯迴船有

策禽吳豁無言讓范宣援孤目勢屈功重為讒偏

舊迹灰塵散枯墳故老傳百代逢明主何辭死道

邊呂溫晉王龍驤墓詩布旗龍艦順長風坐引全

吳八掌中孫皓小兒何足取便令千載笑爭功李

賀王濬墓下詩人間無阿童猶唱水中龍白草侵

烟死秋梨繞地紅古書平黑石神劍斷青銅耕勢

魚鱗起墳科馬鬣封菊花垂濕露棘迺卧乾蓬松

柏愁香澁南原幾夜風羅隱過王濬墓詩男兒未

必盡英雄俱到時來命即通若使吳都由王氣將

軍何處立殊功羅鄴過王濬墓詩埋骨千年近路

塵路傍碑號晉家軍當時若使無功業早箇耕桑

到此墳又詩王濬戈鋌發上流武昌鴻業土

崩秋思量鐵鎖真兒戲誰為吳王畫此籌

唐吳融墓

在縣西四十里明崔譽吳學士墓詩歸來曾賦卜居詩越水吳山豈不奇今日

古墳秋草裏可
憐無事在天涯



